



JUDICIAL SYSTEM MONITORING PROGRAMME PROGRAMA DE MONITORIZAÇÃO DO SISTEMA JUDICIAL

Komunikadu Imprensa

Períodu : Marsu 2012
Edisaun : 12 Abril 2012

JSMP kontinua hala'ó workshop no diseminasaun informasaun prosesu lejislativu ba comunidade no autoridade lokal iha Suco Bobocasse-Distritu Oe-Cusse

Iha loron 28 Marsu 2012, *Judicial System Monitoring Program* (JSMP) liu husi Unidade Peskizadór Juridiku Sub Unidade Programa Observasaun Parlamentu (POP), hala'ó workshop no diseminasaun informasaun konabá prosesu leislativu ba comunidade no lideransa komunitária iha Suco Bobocasse, Sub Distritu Pante Makassar, Distritu Oe-Cusse.

Totál partisipante iha workshop no diseminasaun ne'e hamutuk ema nain 30 kompostu husi feto nain 7 no mane nain 23, husi comunidade inklui estrutura konsellu suco.

Diretór JSMP, Luis de Oliveira Sampaio haktuir *katak objetivu husi workshop no diseminasaun informasaun hirak ne'e atu kontinua hametin comunidade no lideransa komunitária sira nia koñesimentu konabá servisu no papel Parlamentu Nasionál*, *aumenta sira nia koñesimentu konabá diferensia papel husi Parlamentu Nasionál ho Governu hanesan orgaun ezekutivu no tribunál sira hanesan orgaun judikativu, tanbá dalabarak públiku kontinua konfundi konabá kna'ar orgaun soberania hirak ne'e.*

JSMP sei esforsu nafatin atu bele kontinua halo workshop no fahe informasaun relasiona ho rezultadu observasaun no publikasaun JSMP nian ne'ebé hetan durante ne'e iha Parlamentu Nasionál atu nune'e povu bele hetan asesu ba informasaun relasiona ho prosesu halo lei, foti desizaun politika no fiskalizaun ne'ebé deputadu parlamentu sira halo.

Iha parte seluk, Xefe Suco Bobocasse Virgilo de Deus iha abertura ba treinamentu ne'e haktuir *katak "treinamentu ida ne'e importante tebes ba comunidade no estrutura suco sira tomak atu hatene no kompriende diak liutan liu kna'ar Parlamentu ne'ebé JSMP hato'o tanbá importante tebes ba autoridade suco no comunidade suco sira atu kompriende parlamentu nia servisu.*

Tuir observasaun JSMP nian hatudu *katak partisipante sira apresia tebes aktividade ne'e no partisipa ativu iha prosesu diskusaun no eziye ba Governu atu halo sosializasaun ba lei sira ne'ebé aprova ona iha parlamentu nasionál.*

JSMP hein katak, liu husi treinamentu ne'e autóriddade suco inklui komunidadade ne'ebé partisipa iha treinamentu ne'e bele kontinua hatutan informasaun ne'ebé sira hetan ba maluk komunidadade sira seluk nune'é sira hotu bele iha koñesimentu hanesan konabá kna'ar servisu parlamentar ninian ba povu sira seluk.

Atu hetan informasaun kle'an, favor kontaktu;

Luis de Oliveira Sampaio

Diretór Ezekutivu JSMP

E-mail: luis@jsmp.minihub.org

Landline: 3323883/7257466